

Date – 27/04/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. AMC 2026 inthlan result vawiina puanah Ward 19-ah ZPM chuan ward 17-ah hnehna a chang a, chiang takin sorkarna an siam thei.
2. ZPM media chairman Pu B Lalchhanzova chuan AMC inthlanpui vawi 4-naa ZPM-in Ward 19 zinga 17 an la chuan mipuite'n state sorkar ZPM Ministry an rintawk zia a tarlang a ni, a ti.
3. AMC inthlana hnehna changtu ZPM vote hmuh belh khawm chu 71,470 a ni a, vote tla zawng zawng atanga za zela 47 point 44 an hmu.
4. Rajya Sabha chairman-in AAP MP 7 ten BJP an zawm chu a pawmpui a, heti hian Rajya Sabha-ah BJP chuan MP 113 an nei ta a ni.

<><><>

AMC POLL RESULTS

AMC 2026 inthlan result vawiina puanah Ward 19-ah ZPM chuan ward 17-ah hnehna a chang a, chiang takin sorkarna an siam thei.

AMC-ah hian Congress leh MNF-in ward 1 an la a, BJP chuan ward khat mah an la lova, an arte-lukawn a ni. Tun tumah hian Mipa leh hmeichhe chuh theih Ward pathum- Ward No 8, Ward No 9 leh Ward No 16 ah te chuan hmeichhe candidate Pi Christina Roluahpuii Sailo (ZPM), Pi B. Lalawmpuii (MNF) leh Pi R. Lalawmpuii (ZPM) te an tling a. He ti hian tun AMC-ah chuan corporator hmeichhia 9 an awm dawn ta a ni. Ward No 4 chu inhnehna vote sanna ber niin, ZPM candidate Pi Vanlalhriatrengi'n amah hnaih bertu Pi R. Lalnunthari (MNF) chu vote 2,121 in a hneh a. Ward No 9 chu vote inthlauhna hniam ber niin MNF candidate Pi B. Lalawmpuii chuan amah hnaih bertu ZPM candidate Pu Zoramchhana chu vote 118 in a hneh a ni. ZPM-in hneh taka AMC an lak takah hian ward 16-na a tling Pi R. Lalawmpuii chu Aizawl Mayor a nih rin a ni a. ZPM hruaitute chuan hemi chungchang hi an ngaihtuah thuai dawn niin an sawi.

AMC a thlan tlinte chu - Ward no 1- Durtlang, Leitan, Durtlang North, Selesih, Zuangtui, leh Muanna Vengah te chuan ZPM canddiate Vanlalhriata chuan vote 4,141 hmu in hnehna a chang a, amah hnaih bertu MNF candidate CL Biakhlua chu vote 1,586 in a hneh a ni.

Ward No 2- Chaltlang, Lily Veng, Bawngkawn leh Bawngkawn South-ah chuan ZPM candidate Pi R. Lalmawipuii'n vote 4116 hmu in hnehna a chang a, amah hnaih bertu MNF candidate Pi K Lalnunpuii aiin vote 1,876 in a chak zawk a ni.

Ward no 2-a hnehna changtu ZPM candidate Pi R. Lalmawipuii chuan Pathian leh ward mipuite zarah hlawhtlinna a chang chu lawmawm a tih thu a sawi.

Ward No 3-Ramhlun North, Ramhlun Venglai, Ramhlun Vengthar, Ramhlun Sports Complex, leh Laipuitlangah chuan ZPM candidate Pu Vanlalfaka chu vote 4116 hmu in hnehna a chang a, amah hnaih bertu MNF candidate K.Romawia chu vote 1,876 in a hneh a ni.

Ward No 4- Ramhlun South, Ramthar Veng, Ramthar North leh Aizawl Venglaiah chuan ZPM candidate Pi Vanlalhriatrengi chuan vote 4,282 hmu in hnehna a chang a, amah hnaih bertu Pi R.Lalnunthari chu vote 2121 in a hneh a ni.

Ward No 5- Chanmari, Zarkawt leh Electric Vengah ZPM candidate Dr Lallawmkimi chuan vote 3306 hmu in hnehna a chang a, amah hnaih bertu Abishag Vantluangpuii Ralte chu vote 1,640 in a hneh a ni.

Ward no 5-a hnehna changtu Dr Lallawmkimi chuan bialtu hmasa in Local development committee a din sa kaltlangin theihtawpin hna an thawk dawn a, ward fund te chu langtlang takin ward tinah sem darh an tum dawn tih a sawi a ni.

Ward no 6- Chanmari West, Edentharr, leh Huntharah chuan ZPM candidate Pu H.Lalremtluanga chuan vote 2,513 hmu in hnehna a chang a, amah hnaih bertu MNF candidate Pu Lalhmangaiha Renthlei chu vote 1,337-in a hneh a ni.

Ward No 7- Zemabawk , Zemabawk North, Falkland, Thuampui-ah chuan ZPM candidate Zochhuana'n hnehna changin vote 4492 a hmu a, amah hnaih bertu MNF candidate Vanlalneia chu vote 605-in a hneh a ni.

Ward No 8-ah Armed Veng, Armed Veng South leh Chite Veng-ah chuan kum 2021-a he ward a chakna lo chang tawhtu, ZPM Candidate Christina Roluahpuii Sailo chuan vote 2699 hmu in hnehna a chang a, amah hnaih bertu MNF candidate Lalbiakthuama chu vote 1,379 in a hneh.

Ward No 9- Dawrpui, Saron Veng, Chhinga Veng, leh Tuithiangah chuan MNF candidate Pi B. Lalawmpuii chuan vote 3140 hmu in, a zawnin term 3-na atan hnehna a chang a, amah hnaih berhtu ZPM candidate Pu Zoramchhana chu vote 118 in a hneh a ni.

(Byte: Pi B. Lalawmpuii)

Ward No 10- Chawnpui, Zotlang, Zonuam leh Ainawn-ah chuan ZPM Candidate Pu PB Lallawmzuala'n vote 3694 hmu in hnehna a chang a, amah hnaih bertu Congress candidate Pu V.Thangawna chu vote 1953-in a hneh a ni.

Ward No 11- Luangmual, Chawlhmun, Tanhril, Tuivamit,Rangvamual, Phunchawng leh Sakawrtuichhun-ah chuan ZPM candidate Pi Helen Rualchhingi

chuan vote 4,875 hmu in amah hnaih bertu MNF candidate Pi Varthannguri Sailo chu vote 1909-in a hnen a ni.

Ward No 12- Tuikual North, Tuikual South, leh Dinthar-ah chuan ZPM candidate Pi C. Vanlalhruaii'n vote 4368 hmu in hnehna an chang a, amah hnaih bertu MNF candidate C.Vanlalchanchinmawii chu vote 777-in a hneh a ni.

Ward 12-na hnehna changtu ZPM candidate Pi C. Vanlalhruaii chuan campaign laia an manifesto te an bawhzui dawn tih sawiin, ward committee dinin veng chhung hrechiantgu leh khawtlang hruaitute nen ward tana a tha thei ang bera hmasawn hna thawh an tum dawn tih a sawi.

Ward No 13-Dawrpui Vengthar, Vaivakawn leh Kanan Vengah te chuan ZPM candidate Pu Vanlalhruaia chuan hnehna a chang a ni.

Ward No 14 -Khatla, Khatla South, Khatla East, leh Mission Vengthlangah chuan ZPM candidate Pu Roy Lalhriatpuia chuan vote 3,343 hmu in hnehna a chang a, amah hnaih bertu MNF candidate Pu Hmingthansanga chu vote 1,341-in a hneh.

Ward no 15- Bungkawn, Maubawk, Bungkawn Vengthar, Nursery Veng leh Lawipui-ah chuan ZPM candidate Pu VL Zamlova'n hnehna changin vote 2955 a hmu a, amah hnaih bertu term 2 chhung he ward corporator nihna lo chelh tawhtu INC candidate Zodingpuii chu vote 391-in a hneh a ni.

Ward no 15-a hnehna changtu ZPM candidate Pu VL Zamlova chuan hnathawk thei tura siam a nih takah chuan bial hmasawn nan ward sum chu dik leh langtlang taka hman a tum tih a sawi.

Ward 16-Bethlehem Veng, Bethlehem Vengthlang leh College Vengah te chuan ZPM candidate Pi R. Lalawmpuii'n vote 3768 hnehna a chang a, amah hnaih bertu MNF candidate Pu Vanlalhmachhuana chu vote 1187 in a hneh a ni.

Ward No 17- Venghloi, Republic Veng, Republic Vengthlang leh Upper Republic-ah chuan ZPM Candidate Pi Lalremruati Sailo chuan vote 2,698 hmu in hnehna a chang a, amah hnaih bertu MNF Candidate Pi C.Rosangpuii chu vote 802-in a hneh a ni.

Ward No 18- Mission Veng, Thakthing Veng, Venghnuai, Salem Veng, ITI Veng, Dam Veng , Tuikhuahtlang leh Model Veng-ah chuan ZPM Candidate Pu K. Lalrodinga chuan vote 5389 hmu in hnehna a chang a, amah hnaih bertu MNF candidate Lalrina Renthlei chu vote 2,028 in a hneh a ni.

Ward No 18-a hnehna changtu ZPM candidate Pu K.Lalrodinga chuan ward no 18 chu ward zau ber leh vote tam berna a nih angin hmalakna tur a tam a, AMC leh State sorkara an hotute nen tangrualin hma an la dawn tih a sawi a ni.

Ward No 19- Kulikawn, Tlangnuam, Hlimen, Melthum, Saikhamakawn, leh Tlangnuam Vengthar-ah chuan INC Candidate Dr Lalmalsawma Nghaka chuan vote 4607 a hmu a, amah hnaih bertu ZPM candidate Dr C.Malsawmtluangi chu vote 1,021-in a hneh a ni.

Ward No 19-a hnehna changtu Dr Lalmalsawma Nghaka chuan AMC chu mipuite hnea phurrit siam lova chhawk zangkhaitu tur tih chu an thupui ber a nih angin, ward mipute chu eng party pawh ni se harsatna an thawh hunah a hnea tlu lut hreh lo turina chah a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

ZPM ON AMC RESULTS

Chief Minister Pu Lalduhoma chuan AMC 2026 inthlana ZPM-in hnehna an chang chuan mipuiten sorkar dinglaiah rinna an la nght a, la sorkar zel se, Aizawl khawpui pawh an kutah dah an duhia a lantir a ti a. Hei bakah hian Pathian malsawmna chu an tlin chhan a nih thu sawiin, MLA inthlan lo awm leh turah pawh mipuiten ZPM chu an la duh ber dawn tih a lantir nia a hriat thu leh lawmawm a tih thu a sawi a ni.

(Byte: Chief Minister)

ZPM media chairman Pu B Lalchhanzova, Minister of State chuan AMC inthlanpui wawi 4-naa ZPM-in Ward 19 zinga 17 an la chu an lawm thu sawiin, AMC inthlan result hian mipuite'n state sorkar ZPM Ministry an rintawk zia a tarlang a ni, a ti.

Wawiin a Aizawl Press Club-a chanchinbumite a kawmnaah Pu B Lalchhanzova chuan AMC Inthlanpuia hnehna sang tak an chan avangin Pathian leh Aizawl khawpui mipui chungah an lawm thu sawiin, AMC result hian state sorkar mek ZPM Ministry hi mipuite'n an rin tawk zia a tarlang niin a sawi a. Aizawla Municipal Sorkar siam tur pawhin mipuite;n an ring tawk hle tih a tarlang bawk niin a sawi. ZPM AMC chuan ram leh hnam tan, Aizawl leh mipuite hmasawn nan Election Manifesto ang taka municipal sorkar tha din turin theihtawp a chhuah dawn tih a sawi.

ZPM in election manifesto-a an tarlante chu road map atan an hman dawn thu leh, an manifesto zawng zawngte chu ngaihpawimawh a nih dawn thu a sawi a, hmalakna hmasa turte a tarlang bawk.

<><><>

AMC VOTE SHARE

Wawiina AMC inthlan result puan takah khan sang taka hnehna changa ward 19 zinga ward 17 latu ZPM vote hmuh belh khawm chu 71,470 a ni a, vote tla zawng zawng atanga za zela 47 point 44 an hmu.

Ward 1-a hnehna changtu MNF chuan a vaiin vote 46,131 an hmu a, hei hi vote tla atanga za zela 30 point 62 a ni a. Ward 1 tho la Congress chuan vote 31,097 hmu-in vote tla zawng zawng atanga chhutin za zela 20 point 05 a ni. Candidate 11 dintirtu BJP chuan ward pakhatmah an la lova, an vote hmuh belhkhawm chu 880 niin chu chu vote tla atanga za zela bial point 58 a ni.

<><><>

RAJYA SABHA

Rajya Sabha chairman-in AAP MP 7 ten BJP an zawm chu a pawmpui a, heti hian Rajya Sabha-ah BJP chuan MP 113 an nei ta a ni.

Union Parliamentary Affairs Minister Kiren Rijiju-a'n vawiina social media-a a tarlan danin, Rajya Sabha chairman C.P. Radhakrishnan chuan Raghav Chadha, Dr Ashok Kumar Mittal, Sandeep Pathak, Swati Maliwal leh Harbhajan Singh tiamin Aam Aadmi Party MP 7 ten BJP an zawm chu a pawmpui tih a sawi a, MP te chu Prime Minister Narendra Modi-a kaihhruaina hnuaiyah ram tana thawhpui turin an lo lawm tih a sawi a ni. He ti hian AAP chuan Rajya Sabha-ah hian MP 3 chauh an nei tawh a ni.

<><><>